

Ɔwulúá Paulo Lówanlín Sísí Romafɔ

1 ¹Mí Yesu Kristo osúmbi Paulo dé Ɔwulú ánfɔ wanlín sísí mli Romafɔ. Bulu létɔ mí ɔbée, mbóbwɛ mu *sumbí ɔyɔpú. Ɖelele mí yáí ání néda mu *asun wankláán ámu ɔkan.

²Bulu léhɛ asun wankláán ánfɔ yáí tsun mu ɔnósú atɔ́púsu dodoodo, bɔwanlín mú wá mu asun wanlínhé amutɔ. ³Asun wankláán ámu ɔlɔtɔ́ tsú mu Bi, ogyi anɔ Wíe Yesu Kristo ɔwɔ. Anyánkɔpúsa ɔkpasu á, ɔlelun Owíe *Dawid abusuantɔ. ⁴Bulu léle súná ání léle mu Bi ní. Ɖlɔtsun *Ɖɔɔ Wankíhé túmito kósúá mu tsú afúlitɔ. Mogyí anɔ Wíe Yesu Kristo. ⁵Ɔna musu Bulu lawá awɔtɔle lé mí mu sumbí ɔyɔpú, méni nékpa ɔmá bámbásúfɔ b́hɔ mu gyi, nú mu ɔme. ⁶Mli Romafɔ ánfɔ Bulu latí ɔbée, mlibóbwɛ Yesu Kristo klé é mlibu mútɔ.

Rom

⁷Ɔni su mí Paulo nde Ɔwulú ánfɔ wanlín sísí mliá mlibu Roma féé. Bulu lahíé dwé mli, tí mli, pú mli bwé mu ahá. Nde anɔ Sí Bulu mva anɔ Wíe Yesu Kristo kokóli mbée, bogyí mli buale, abuha mli iwilwii.

Paulo Bulu Ɔpánda

⁸Gyankpawu a, nna Yesu Kristosu nde mí Bulu Ɔpán da mlɔtɔ okugyíɔku nwunsu. Tsúfé mli Kristo hógyi su mli dá de ɔyítɔ féé. ⁹Napú mí klun féé nde Bulu súm tsun mu Bi Yesu ɔwɔ asun wankláán ɔkan ámúú ndeda ámusu. Obégyi mi adánsɛ ání ntekáin mli su brégyíbréá nde mpáú bɔ. ¹⁰Ntetsíá kokóli mu ekekegyíeke mbée, ɔtsúla finki ɔkpa ha mi, antali besúnáa mli nke ánfɔtɔ. ¹¹Tsúfé ɔdun mí Ɔwólíá mía mlinyɔ abéfia, méni nébeha mlénya Ɖɔɔ Wankíhé

atokiehé ání ibówa mli ɔwɔnlín. ¹²Múá ndeblí gyí, ní neba mli wá á, mí hógyi bówa mli ɔwɔnlín, mli klé é ibówa mí ɔwɔnlín.

¹³Mí apió, ndekléá neha mli bi ání nabwébwéébwé agywun ání nébesnáa mli, táme tɔku de mí ɔkpa tíin bɔfun nde. Ndekléá néba unv bɔtɔí kplá ahá, méni bóho Yesu gyi, fé alíá nahá ahá baho mu gyi ɔmá bámbátɔ. ¹⁴Ínu gyí tɔá ilehián ání nóbwe ahá féétɔ ni. Ilehián ání nóbwe mó Griikifɔ pú ɔblí bámbá ablípú, atiansipv pú aha mimláhe féétɔ. ¹⁵Ínu sv mí ansí lapé ání nébláa mli ahá ání mliɔv Roma wúluto é asun wankláán ámu.

Bulu Asun Wankláán Ámu Túmi

¹⁶Bulu asun wankláán ámu uma mí péli. Tsúfé múgyí Bulu túmi ání ɔdepuho ɔhagyíɔha ání ɔloho Kristo gyi nkpa ní. *Yudafɔ gyánpá, asa ahá ání bumegyí Yudafɔ bubuo. ¹⁷Tsúfé asun wankláán ámutɔ Bulu léle alíá ɔtɔbwé ɔha yilé ɔbwepú súná. Mú ɔsú-así féé ulí hógyisv. Ínu Bulu asun wanlínhé amv leblí ní. “ɔhá ání mu hógyi sv Bulu latsú mu ání mu asún da ɔkpa obénýa nkpa.”

Lakpan ɔbwepú ɔhagyíɔha Gyí Bulu Ansítɔ

¹⁸Bulu léle mu ɔblɔ súná tsú ɔsúsú. Olenya ɔblɔ ahá ání butamanyá mu ifú, buɔe lalahe bwe, bapú amú owuntɔlun buɔe Bulu asún ání igyi ɔnɔkwali ɔkpa tíin. ¹⁹Bulu ɔbébití amú usv. Tsúfé tɔá ilehián ání bébi tsú Bulu iwí ida amú ansítɔ dodo. Bulu onutó léle mú ɔwan súná ámu. ²⁰Ibo mútɔ ání ɔhaa tamawun Bulu túmiá utamatá pú alíá ogyi. Táme tsú bréá Bulu lóbwe ɔyí ɔpá á, Bulu tsiátɔ meɔjain. Tsúfé mu atɔ bwehé lele mú súná wankláán ání ahá bétalí wun mú, púbi mu. Ínu sv ɔhaa má ɔnɔ kuku lé. ²¹Buyin Bulu, táme bumɔwa mu numnyam ání iletsiá mu, bumɔpv ipán kuku é há mu. Mboún tɔá uma así bútygywíun tsu Bulu iwí. Butamatráa nu mu asún ámu así. Basin oklúntɔ. ²²Butekí amú iwí beɔ betun ansí, táme bemimláa. ²³Basí Bulu ɔkpankpaɔv amv tswí, yɔ buɔe ikpi ání buma nkpa

súm. Bɔpwe amú, ntée sré amú fé nyankpusa ání otowú, ntée mbubwi, ntée mbwi pú awɔ aku.

24Íni su Bulu ladámli ɔma há amú, basí bude atɔ laláheá budeklé tsu amú klwntɔ bwe, amúa amú aba bude iwɪ supáa. 25Butamatráa hɔ Bulu ɔɔkwali amusu gyi. Asún ání uma mótó mboún budehógyi. Íni su bayɔ bude Bulu atɔ bwehé mboún súm, sí atɔ féé ɔbwepú ámu onutó. Kanfú letsia mu bré féé! *Amen.

26Amú bwehé ánti su Bulu lédamli ɔma há amú, buna bude hakpanla bwe. Amú atsi kúráá besi ayin wá di, fé alía ida yaí, amú wulewule buda aba wá. 27Ali kén ayin é besi atsi wá di fé alía butɔbwé mú yáí, buda aba wá ní. Hakpanla anfi bwe su Bulu lébití amú ɪsu ání lekanáa ha amú, bude mú wúun ni.

28Íniá bakíná Bulu bi su á, Bulu ladámli ɔma há amú, bude asukpan susúu, bude tɔá uma aleá ɔha ɔɔbwe bwe. 29Lalahe sɔ́n bu amótó. Iku gyí; lakpanbwe, opotsuawa, olu, ɔnsípe, ahámɔ, mblíkpée, ahámlé, agywun laláhe bwe pú ahátsii. 30Ahá ɔɔ́tin, Bulu asúnkiná, atómábú, iwtsú, iwɪ adábi da. Lakpan ɔkpagyáa, akwípúsu kusúlí. 31Butamagywún, butamagyi amú asun blíhésu. Butamadwé ahá, butamawun ahá nwe. 32Íniá buyin ání Bulu mbla ámu losuná ání ɔhá ání otsiá atsiábi anfi odu obówu óó á, megýí íni ánti nkole budebwe. Butráa bude lalahe abwepú é ateto-ɔnlin wa dínká mósú.

Bulu Tamakɪ ɔha Ansító

2¹Íni su fúá futsie fude fú aba ulá le, fuma ɔɔ́ kuku lé Bulu ansító. Tsúfé fude aku ulá le, táme fude mú odu kén bwe. Mú su ní fude amú ulá le á, iwɪ pón fúdeha. 2Anyin ání Bulu ɔbéha ahá ání bude íni odu bwe ipón. Anyin é ání mu asún da ɔkpa. 3Mú su ní fúde ahá ulá le lakpan ání fú onutó fúdebwe su á, bi ání Bulu é ɔbéha fú ipón. Fuméetalí kɔli dali mu ibi. Ntée fumeyín ali? 4Bulu lalé mu yilé pú mu awɔɔle ɔwan súná fú, alanyá klwɔn há fú, táme fumobu mu. Ntée fumeyín ání alía fédamli klwntɔ yínkí ba mu wá

su alalé mu awitɔle súná fú? ⁵Táme kluntɔ bu fu odwin, asutɔ bu fu onlɔn. Mú su isutɔbití ání ida gyo fú ekeá Bulu Onokwalɔpu obégyi asún utráa démoní tsía. ⁶Bulu obéka ohagyícha ɔkɔ mu bwehé onó. ⁷Aku bapú ansí dínká ání bénya numnyam, idayilé pú nkpa ání utamatá. Mú su banyá klɔn buɔe yilé bwe ekekegyíeke. Amú Bulu obéha nkpa ání utamatá ní. ⁸Táme akvá bubu onsípe, bakíná onokwali amu pú yilébwe, bubuo lalahe mú á, Bulu obópu oblɔ gyi amú asún, bití amú isu wankláán. ⁹Asun wunhe múa iwɔsun béba lalahe abwepú féésú. Ibégyankpá tú *Yudafɔ, asa ibótɔ ahá ání bumegyí Yudafɔ. ¹⁰Táme Bulu obówa yilé abwepú numnyam, há amú iwilwii, trá ha amú aye. Obégyankpá há Yudafɔ, asa ibótɔ ahá ání bumegyí Yudafɔ. ¹¹Tsúfé Bulu tegyi asún onokwalɔsu, otamakɔ ohaa ansítɔ.

¹²Ahá ámúú bumeyín Mose Mbla ámu, buɔe lakpan bwe ámu óó bɔfwi. Táme Bulu móɔpu mbla ámu gyi amú asún. Ahá ámúú buyin mbla ámu asa buɔe lakpan bwe ámu mú á, Bulu obélú mbla ámusu há amú ipón. ¹³Tsúfé megyí ahá ání buyin Mose Mbla ámu asún da okpa Bulu ansítɔ. Mboún ahá ání butegyí mósú. ¹⁴Ibu mótɔ́á ahá ámúú bumegyí Yudafɔ bumeyín Mose Mbla ámu. Táme ní amú onutó buɔe mbla ámusu gyí a, buɔdesuná ání buyin yilé múa lalahe amú kluntɔ. ¹⁵Amú bwehé ánti desuná ání Bulu lówanlín mbla ámu dínká amú klɔnsu. Amú klɔn de adánsɔe gyí ání lélé buyin mú. Tsúfé bré kutɔ á, amú agywun tehá amú ipón, bré kutɔ é á, itehá amú asu. ¹⁶Alí kén ibéba eke ámúú Bulu obótɔsun Yesu Kristosu gyi tɔ́á ahá babwé njaintɔ iwɔ asún ní. Alí Kristo iwɔ asun wankláán ámúú nde mú okan da ámu idesuná ní.

Yudafɔ Pú Mose Mbla

¹⁷Fú fee Yudayin fugyi, fú ansí dɔn Mose Mbla ámusu, fúɔepu ibi sí kántɔ́ fee Bulu mu bi fúgyi. ¹⁸Fuyin Bulu apé, tsúfé fakásí Mose Mbla ámu. Mú su fuyin tɔ́á ibi alé. ¹⁹Futeki fú iwɔ ansibi abwiepú okpapú, fúgyi fé okandíe há ahá ání bumeyín Bulu, basin oklúntɔ. ²⁰Fú fee fugyi aha

mimláhe ansí ɔ́tɪ́pɔ. Fétalí súná ahá ání bumeyín ɔ́lala t́sá ɪbu alá. Tsúf́é fatsúlá f́ee Mose Mbla ámu su fabí t́ógyít́, fabí ɔ́ɔkwali kugyíku é. ²¹Táme ɪńtá f́ude ahá yilé suná á, ntogyi su fumóosuná f́ú ɪwɪ mú? Fude ɔ́kan da bláa ahá f́ee bumáwi at́, táme f́ú onut́o f́udewi? ²²F́ee bumát́ɔ mbua, táme f́ude mbua t́ɔ? F́ee bumásu ɪkpi, táme futowí ɔ́kpiasɪ at́. ²³Futotsú ɪwɪ Mose Mbla ámu su, táme futepán ḿúsú. ɪni su f́ude Bulu kpóí. ²⁴Bulu asun wanlínhé amu léblí ɔ́béé, “Mli Yudafo bwehé su ahá ání bumegyí Yudafo buɔ́de Bulu ɪwɪ asun laláhe blí.”

Rom

²⁵Ní mlidé Bulu mbla ámusu gyí á, mli *ketétún bu labi. Táme ní mlitamagi ḿúsú á, mlygyí fé ahá ání bumetun keté. ²⁶Ní ɔ́ku métun keté, ɔ́de Mose Mbla ámusu gyí a, ogyi fé keté ɔ́tɪ́pɔ Bulu ansít́. ²⁷Mli Yudafo mlyin mbla ámu, tsúf́é b́owanlín mú tswɪ mli, betun mli keté é, táme mlit́epán Mose Mbla ámusu. Mú su ɔ́há ání ɔ́metun keté ḱuráá, táme ɔ́de mbla ámusu gyí ɔ́béle mli ɪlá. ²⁸Tsúf́é megyí keté ɔ́tɪ́pɔ gyí Yudayin onut́o. Ketétún onutónut́o bu ɪwɪ. Megyí ɔ́yulúsu ketétún keke. ²⁹Ní ɔ́ku gyí Yudayin onutónut́o á, mu klunt́o t́osúná. Ketétún onut́o ɪtsú klunt́o. Bulu ɔ́ɣé ámu t́ɔ́bwé mú, megyí mbla ámúb́o b́owanlín tswɪ amusu gyí. ɔ́há ání Bulu ɔ́ɣé ámu ɪletun mu keté á, Bulu onut́o t́ékánf́ú mu, megyí nyankpusa.

3 ¹Mómú labi ḿomú *Yudafo bubu dun ahá ání bumegyí Yudafo? Nt́ée labi ḿomú *ketétún bu? ²ɪbu ḿút́sá labi ámu ɪhíé ɪt́ɔ! Gyankpaw gyí, Bulu ĺɔ́pɔ mu klunsu asún wá Yudafo ɪbut́o. ³ɪbu ḿút́ ání amút́o aku bumɔ́ɔ́ɔ́ Bulu asún ámusu gyi. Táme amú t́siát́o anfi odu ɪbétalí há Bulu obési t́sá ɔ́lehɛ ání ɔ́ɔ́bwé lóó? ⁴Ekkekéke! Megyí alɪ ɪgyi! Ní afunupɔ ahá f́éé b́ugyi óó á, Bulu mú á, ɔ́ɔ́kwali ɔ́gyi. ɪgyi fé alɪá Owíe *Dawid lébláa Bulu ɔ́béé,

“Ní f́ɔ́t́í á, ahá bublí beɛ f́ú asún ɪgyi ɔ́ɔ́kwali.

Ní begyi f́ú asún é á, bublí beɛ f́ú asún da ɔ́kpa.”

⁵Ní anɪ t́siát́o laláhe lalé Bulu t́siát́o wankláán súná á, mómú ní ɔ́de anɪ ɪsu butí anɪ t́siát́o laláhe su á, nkáli abéblí? Abéblí anaa, Bulu má ɔ́kpa bítí anɪ ɪsu? (Nyankpusa asun

blíhé ndeblí á.) ⁶Ekεkεεεε! lma mótɔ alí. Ní Bulu asón meda ɔkpa á, nkáli obégyi ɔyítɔ ahá féé asón?

⁷Ɔku ɔbéfité ɔbéε, ní mí ɔkɔkwalmáwá lalé súná ání Bulu bu ɔkɔkwali, ulatsú mu dá fúá á, múmú ntɔ sù Bulu ɔbétrá ha mí pón ɔbéε lalahe ɔbwepú ngyi? ⁸Ní igyi ali á, múmú ntɔ sù anuméebli aniaa, “Mliha abwe lakpan, fówun Bulu tsiátɔ wankláán uln ɔwan?” Fé ali ámúú aku bude mí ɔnɔ tun beε, nna ndeblí ámu. Bulu ɔbéha amú ipón alíá ulekanáa.

Ɔhaa Mégyí Yilé Ɔbwepú

⁹Nkáli mee abéblí pómó mú ɔnɔ? Mú su aní Yudafo anudun ahá ámúú bumegyí Yudafo ámu lóó? Ekεkεεεε! Anumódun amú ɔkpagyíɔkpasu. Nablí bɔtsun mbéε, ukule Yudafo pú ahá ámúú bumegyí Yudafo ámu féé bugyi. Tsúfé lakpan lagyi amú féésú. ¹⁰Bulu asón leblí ɔbéε,

“Ɔhaa asón meda ɔkpa Bulu ansítɔ. Ɔbakúle kúráá médalí mótɔ.

¹¹ Ɔhaa tamanú Bulu asón asú;
ɔhaa tamadúnká Bulu ɔkpa.

¹² Amú féé badámlí ɔma há Bulu,
ámú féé bafwí.

Yilé ɔbwepú ɔkɔku má unu. Ɔbakúle kúráá médalí mótɔ.”

¹³Bulu asón ámu létrá blí ɔbéε,

“Butekle asukpan blí.

Butɔpú amú ɔnɔ mlé ahá.

Amú ɔnótɔ asun blíhé tɔmó fé uwo elín.”

¹⁴Bulu asón ámu létrá blí ɔbéε,

“Ulwí pú asun-sunsín blí butegyí di.”

¹⁵Ɔletrá blí ɔbéε,

“Ahámɔ ma amú ɔpá.

¹⁶ Ɔtínegyíɔtínéá buna á, bude ahá yintá, bude ahá ipiantɔ wa.

¹⁷ Bumeyín ɔkpa ání itɔpú iwilwii ba.”

¹⁸Bulu asón ámu ku é leblí ɔbéε,

“Butamanyá Bulu ifú.”

19Séi á, anyin ání asúngyíasún ání Mose Mbla ámu losuná á, ida ha Yudafo ámú bɔpu mbla ámu há ámu. Mú su ɔkuku méenya ɔkpa lé asvansu ɔnó bréá Bulu dé ahá féé asún gyí. 20Tsúfé Mose Mbla ámusu gyí méetalí há ɔha ogyi asu Bulu ansító. Há mbla ámu utehá antebí ání lakpan abwepú anigyí.

Alá ɔha Tegyi Asu Bulu Ansító

21Séi á, Bulu lasúná ɔkpa ání ɔtɔtsun músú há ɔha asu. lmená Mose Mbla ámusu gyísu. Táme Mose Mbla ámu pú Bulu ɔnósú atɔpú amu asun wanlínhé léblí ɔkpa ámu iwí asún yáí. 22ɔkpa ámu gyí ɔkpa ání Bulu tɔtsun há ɔha asu mu ansító ní. Yesu Kristo hógyisu Bulu tɔtsun ho ɔhagyíɔha. Ma fugyi o, ma fumegyí o, nkúnu fotsú o, nkúnu fumotsú o, ɔhaa mótsun ɔtsan Bulu ansító. 23Tsúfé ahá féé babwé lakpan. Mú su bahúli Bulu numnyam. 24Awitɔle Bulu lawá há ani. Mú sù nyankpusa obégyi asu mu ansító ní. Awitɔle anfi ina Kristo Yesusu. Muléka nyankpusa nwunsu iko. 25-26Anyánkpúsa bude lakpan bwe tsú bré ɔpá, táme Bulu lénya klun há amú, ɔmebití amú usu. Séi á, Bulu labɔpu Yesu bó afɔdie, pú mu obugya lé ani iwí mbusuo, méni abótsun mu hógyisu nyá lakpansikié. Bulu lɔbwe mú ali púsúná ání mu asún da ɔkpa, méni ibósuná nke ánfito ání yilé ɔbwepú ogyi. Ototsú ahá ání bɔho Yesu gyi ání amú asún da ɔkpa mu ansító.

27Séi mé, tɔku bu unvá abótsu iwí músú? Tɔto má unu. Ntogyi sù anuméetalí tsú iwí? Mose Mbla ámu su lóó? Ó-o! Ani hógyi su anuméetalí tsú iwí. 28Megyí atɔ wankláán ámú Mose Mbla losuná ani bwe ámu su antegyí asu Bulu ansító. Ina Kristosu hógyisu abégyi asu Bulu ansító. 29Yudafo nkule Bulu ógyi? Megyí ahá ání bumegyí Yudafo mú Bulu ogyi? Ee! Amú é amú Bulu ní. 30Bulu ɔkule pé bu unu. Mú su ina hógyisu olotsulá ání Yudafo asún da ɔkpa. Ina hógyi kénsú ɔbho ahá ámú bumegyí Yudafo ámu é ání amú asún da ɔkpa. 31Mú su ilehián ání abóho Yesu gyi, sí Mose Mbla ámusu hógyi lóó? Ekekeke! Megyí ali ígyi. Yesu hógyi téhá antekítá mbla ámutɔ kínkíínkín.

Rom

Abraham lwi Asún Lasúná Altá Hógyi Bu Labi

4 ¹Séi á, amansu aní *Yudafɔ abéblí tsú aní náin *Abraham lwi? Ntɔ olowun tsu Bulu aháhɔ asún ánfɔ lwi? ²Ní yilébwe sù Abraham légyí asu Bulu ansítɔ á, múmú ɔbu tɔá ɔbɔputsú lwi, táme megyí Bulu ansítɔ. ³Nkálí Bulu asun wanlínhé amu léblí? Ɖleblí ɔbéɛ, “Abraham lɔ́hɔ Bulu gyi. Mú su Bulu lótsu mu ání mu asún da ɔkpa.” ⁴Ní ɔku ɔyɔ agyómá á, buteká mu ɔkɔ. Megyí atokiehé ɔkɔká ámu gyi. Igyi tɔá ilehián ání obénya tsú mu agyómá ɔyɔtɔ. ⁵Táme megyí ahá bwehé su, mboún amú hógyi sù Bulu totsú amú ání amú asún da ɔkpa. Tsúfé Bulu téhá lakpan abwepú ání bɔhɔ mu gyi butegyí asu mu ansítɔ. ⁶Owíe *Dawid léblí oyúla asún ánfɔ kén dodo. Ɖlɔtɔí tsú ahá ání Bulu mékɔ amú bwehé asa olotsu amú ání amú asún da ɔkpa lwi. Ɖlɔwanlín mú wá Bulu asun ámutɔ ɔbéɛ,

⁷“Bulu layúla ahá ání alasi amú lakpan kíe amú, alagyúra amú!

⁸Ahá ámúú Bulu lasí amú lakpan kíe amú, ɔméɛtrá kaín mósú ámu bégyi ɔdwe!”

⁹Keté atínpu nkule bú ɔdwegyí anfi Owíe Dawid dé mú lwi asún blí ánfɔ? Ó-o! Ahá ámúú bumetɔn *keté ámu é bubu mútɔ. Kaín ání anɔlakla asvanku Bulu asun wanlínhé amutɔ. Ania, “Abraham lɔ́hɔ Bulu gyi. Mú su Bulu lótsu mu ání mu asún da ɔkpa.” ¹⁰Bré mɔmu Bulu lótsu mu ání mu asún da ɔkpa? Ɖletɔn keté asa lóó? Ekekeke! Bulu lótsu mu ání mu asún da ɔkpa dododo. ¹¹Ɖma-ɔma asa ɔlebetɔn keté púhie mu nsu. Ilosuná ání mu hógyi sù Bulu lótsu mu ání mu asún da ɔkpa. Ínɔ su ogyi fé ahá ámúú bumetɔn keté, táme bɔhɔ Bulu gyi, Bulu lótsu amú ání amú asún da ɔkpa ámu. Mú su ogyi amú féé ɔsí ní. ¹²Ogyi keté atínpu amu é ɔsí. Tsúfé megyí amú ketétɔn su, mboún amú Buluhógyi su. Fé alí ámúú Abraham lɔ́hɔ Bulu gyi asa betɔn mu keté ámu.

Tɔá Bulu Léhie Yáí Mu Ahógyipu

¹³Bulu léhie Abraham mva mu abí-aná ání ɔyítɔ féé ɔbɔbwe amú klé. Megyí beɛ Abraham légyi Mose mblasu,

su Bulu léblí asón ánfí. Táme íniá ɔlɔɔ Bulu gyi, Bulu é lótsu mu ání mu asón da ɔkpa mu ansító su. ¹⁴Ní ahá ání bude Mose Mbla ámutɔ obégyi Bulu ató á, múmú ɔha Bulu hógyi igyi kpaali. Bulu nhuhé há ɔha é ma labi koku. ¹⁵Tsúfé Bulu ɔbls mbla ámu tetí. Táme ní mbla má unu á, mblatun é uma unu.

¹⁶Mú alí su ina hógyisu ahá bétalí nyá atóá Bulu léhíe yáí há amú. Atokiehé ámúú ɔbópvhá *Abraham abí-aná ámu íbéda amú íbi. Megyí ahá ání butegyí mblasu nkule bú, táme ahá ání bɔhɔ Bulu gyi fé Abraham é. Tsúfé Abraham gyí aní fée ɔsí. ¹⁷Fé alí ámúú Bulu asun wanlínhé amu íleblí ɔbéé, “Napú fú bwé ɔmá tsɔtsɔɔtsɔ ɔsí ámu. *Abraham gyí aní fée ɔsí Bulu ansító.” Tsúfé olohogyi ání Bulu téhá awupú nkpa, ɔtehá tóá uma unu yáí íteba mútɔ fé tóá íbu unu yáí. ¹⁸Bréá ɔtɔ má unuá Abraham ɔbópɔ mu ansí dínká múú á, ɔlɔɔ Bulu gyi ání ɔbóbwe mu ɔmá tsɔtsɔɔtsɔ ɔsí alí ámúú ɔleblí yáí ámu. Bulu lébláa mu ɔbéé, “Fú abí-aná békílé fé ntsrakpabi.” ¹⁹Alí bré ámutɔ á, Abraham laho níí lafakule (100). Mú su aladan tsun kwíúú. Alí kén mu ka *Sara é ɔkwíúúni lawú, ɔméétrá kwí ní. Oyin íni fée, táme ɔmekpa mu hógyi ɔma. ²⁰Íni fée ɔma a, omegyí nwéén ɔbéé, itó ámúú Bulu léhíe mu amu ímééba mútɔ. Mboún ɔlektá mu hógyito kínkíínkín, ɔlekanfú Bulu mú su. ²¹Tsúfé ɔhíé oyin ání Bulu ɔbétalí bwé itó ámúú alahíé há mu amu. ²²Mu hógyi aní sù Bulu léblí ɔbéé, mu asón da ɔkpa ní. ²³Megyí mu nkule su ɔwanlín wá Bulu asón ámutɔ béé, “Bulu lótsu mu ání mu asón da ɔkpa.” ²⁴Aní é, aní su ɔwanlín mú. Ní anúlɔhɔ Bulu gyi a, obótsu aní ání aní asón da ɔkpa. Mvgyí ɔhá ání ɔlɔkusúa aní Wíe Yesu tsú afúlitɔ. ²⁵Aní lakpan sù Bulu léha bele mu há ɔmɔ mu. Bulu lókusúa mu tsú afúlitɔ, méni obótsu aní é ání aní asón da ɔkpa.

Isogyí Bulu Ansító

5 ¹Aní hógyi sù Bulu latsú mú ání aní asón da ɔkpa. Mú su aní Wíe Yesu Kristo lalá aní Bulunyo nsiné. ²Hógyi su ɔkpa lafínkí há aní nya. Íniá aní Wíe Yesu sù Bulu

Rom

awitɔle anfi laba anisu, anilapó hogyi nyá ɔlúkpá nya a, ihíé bu aní ɔdwe. Tsúfé anidín ansí ání abébenya mu numnyam amv kv. ³Ansí utráa de aní gyí ání anidé ipian wúun. Tsúfé ipian téhá anutɔwá nsi. ⁴Nsiwa tehá antebí tsíá alíá ilegyi Bulu ansí. Ní abí tsíá alíá ilegyi mu ansí á, abédunká ansí musu. ⁵Ansí pudínká Bulusu mééha péli méekitá aní. Tsúfé Bulu lótsun *Ɔɔɔ Wankíhé amóú ɔɔpohá aní ámusu pú mu ɔdwe wá aní klɔntɔ.

⁶Bréá anutráa anigyí lakpan abwepú, animá ɔwunlín á, Kristo lóbowu há aní lalahe abwepú bréá Bulu onutó léhiɛtɔ. ⁷Ní ɔkv asún da ɔkpa kúrää á, ubówa ɔnlɔn asa ɔkv obótsulá wú há mu. Fíalɔ ɔha yilé mú á, ɔkv ɔbówa klɔn wú há mu. ⁸Táme tóá ilosuná ání Bulu tehíé dwé aní gyí, bréá anigyí lakpan abwepú á, ɔleha Kristo lóbowu há aní. ⁹Na Yesu Kristo obugya amóú ulɔwulí asi ámusu Bulu lési aní lakpan kíé aní, tsú aní ání aní asún da ɔkpa. Kristo su ɔbéle aní kokooko. Ɔméɛbutí aní isu lakpan abwepú isu-ɔbutíké amv. ¹⁰Teki Bulu alupú anigyí. Táme tsóvɔn mu Bi ámu lowusu á, alabwé aní mu anyawíé kláklá. Íniá anilabwé mu anyawíé su á, ɔbóho aní nkpa kokooko. Tsúfé Kristo é bu nkpa. ¹¹Megyí mú wule. Múá utráa dɔn kúrää gyí, anidé ɔdwe gyí. Tsúfé aní Wíé Yesu Kristo lalá ania Bulunyo nsiné. Mú su anilabwé Bulu anyawíé.

Adam Mva Kristo

¹²*Adam nkule bwehé su lakpan léba ɔyító. Mu lakpan ámu sú lowu léba ɔyító. Íni su lowu lénya túmi ɔhagyíɔhasu, tsúfé ahá féé babwé lakpan. ¹³Lakpan bu ɔyító asa Bulu lópu mu mbla ba Mose. Táme bréá Bulu mókúpú mbla ámu ba mu a, olobun ansíbi lakpansu. ¹⁴Tsú Adam brésú ɔɔtu Mose brésú lowu legyi iwíé anyánkópúsa féésú. Ibu mútɔ ání buɔɔtɔn mbla kvkv fé Adam, táme amó é bowu.

Akú alíá *Adam léklé ɔlian ɔmapv amv. ¹⁵Adam ná ɔtsan há Yesu Kristo. Tsúfé Bulu awitɔle amv megyí fé Adam lakpan ámu. Adam nkule lakpan sú ahá féé bowu. Táme Yesu Kristo nkule awitɔlewa su Bulu laláwá awitɔle, pú mu

atokiehé há ahá tsotsɔɔtsɔ. Mu atokiehé ámu ibu bíá dun lowu ámu. ¹⁶Tsá anyánkɔ́sa benya tsú Bulu atokiehé ámuɔ una ɔtsan há tsá benya tsú Adam lakpan ámuɔ. Mu lakpan kule pé amu léha ɔhagyíɔha légyi pón Bulu ansító. Múlɔ́pu lowu ba, táme lakpan tsotsɔɔtsɔ ɔma a, Bulu atokiehé kule pé léha Bulu lótsu ahá fée ání amú asún da ɔkpa mu ansító. ¹⁷ɔbakúle lakpan su lowu légyi iwíe ahásv. Táme alá Bulu lahié wá awítóle há ahá ibu wánwan. Alatsun Yesu Kristo nkolesu tsú aní aní aní asún da ɔkpa, ania munyɔ abégyi iwíe aní nkpatɔ fée.

¹⁸Íni su alí ámuɔ ɔbakúle lakpan su Bulu léha ahá fée pón ámu a, alí kén ɔbakúle yilébwe su Bulu lahá ahá fée bagyi asu mu ansító, alahá amú nkpa ání itamatá é ní. ¹⁹Alí ámuɔ una ɔbakúle asuɔ-ɔnlun su ahá fée bemlí lakpan abwepú ámu a, alí kén una ɔbakúle obú su Bulu obótsu ahá tsotsɔɔtsɔ ání amú asún da ɔkpa ní.

²⁰Bulu lópu mbla ámu ba, méni ahá bówun lakpan ání budebwe wankláán. Táme bréá lakpan dékleí á, Bulu awítóle é idekleí tsía. ²¹Lakpan légyi ahásv, uléha ahá bowu. Alí kén Bulu lawá awítóle tsú ahá ání amú asún da ɔkpa mu ansító ní. Íni lahá ahá batsun aní Wíe Yesu Kristosu nyá nkpa ání itamatá.

Kristo Su Anubu Nkpa

6 ¹Nkált abéblí séi? Ilehían ání abóyɔ aní lakpanbwesu, méni Bulu awítóle bómoní tsía? ²Èkekeke! Igyi fé anilawú, mú su lakpan ma túmi anísv. Ntogyi su abétrá tsía bwé lakpan? ³Bré ámuɔ ɔɔɔ aní *asú ámu a, ania Kristo Yesunyɔ anilóbwe kule. Mhiyin mú alí? Alí bré ámuɔ á, ania Kristonyɔ lówu, ⁴bopulá aní, tsúfé ania munyɔ anilabwé kule. Mú su alí ámuɔ aní Sí Onumnyampu amu lókusú mu tsú afúlito ámu a, alí kén aní é abétsiá itsiá ɔɔweto ní.

⁵Mú su íniá ania munyɔ anilóbwe kule mu lowuto á, alí kén ania munyɔ lóbwe kule mu kusú tsú afúlito é ní. ⁶Mlhubí ání bréá beda Yesu mántá *oyikpalíhe amusu á, mua aní tsiátɔ dada amu lówu, méni anuméétrá bwe lakpan nkɔ́bí.

Rom

⁷Tsúfé ní ɔha owú á, ɔtamatráa bwe lakpan. Lakpan má musu túmi. ⁸Ínúá ania munyɔ anulawú su á, anibu hógyi ání ania munyɔ abétsiá nkpa. ⁹Aniyin ání Bulu lókusúa Kristo tsú afúlito. Ɖméetrá wu ekekeke. Lowu utráa ma musu túmi. ¹⁰Yesu lówunáa wu ɔsáwule, méni ɔbéle lakpan unv. Táme ínúá otsie nkpa á, otsie ha Bulu. ¹¹Mli é mliki mli iwí ání mlulawú há lakpan, amlile mli iwí le mú túmi asi. Mlitsia nkpa ha Bulu, tsúfé mliha Kristo Yesunyɔ mlilabwé kule.

¹²Ínu su mlumáha lakpan igyi mli nyankpusa-oyí ání íbówu ánfisu, méni umécha ɔwólí laláhe igyi mli su, amlibwe tɔ́á ideklé. ¹³Mlimápu mli nyankpusa-oyí iwí ató há lalahewe. Mboún mlipu mli iwí féé ha Bulu, fé ahá ání alakúsúa amú tsú afúlito ba nkpatɔ, ɔpu mli bwe tɔ́á ida ɔkpa. ¹⁴Ma alá lakpan ɔbétrá gyi mli su, tsúfé séi mlitráa mlumá Mose Mbla ámu asi. Bulu awitɔle asi mboún mli bu.

Yilébwe Nkpábi Anigyí

¹⁵Ínu ɔma a, amansu abéblí? Ibu alá abétrá bwe lakpan séi ání ánumá mbla ámu asi, anibu Bulu awitɔle mboún asi? Ekekeke! ¹⁶Mliméyín ání ní mleba iwiasí há tɔku, mlidé mú apé bwe, mlidé mú súm fé mli wíe a, mlilabwé mú nkpábi? Ní mleba iwiasí há lakpan á, múmú mlówu, táme ní mleba iwiasí há Bulu á, mlégyi asu mu ansítɔ. ¹⁷Mlilóbwe nkpábi há lakpan bré kutɔ. Séi á, mlilapú mli klun féé ho atosunáhé amúbú bapúhá mli ámu, mlidé mósú gyí. Mú su nde Bulu ipán da. ¹⁸Bulu lahá mlilagyi iwí lé lakpan ibutɔ, mlilabwé nkpábi há yilébwe. ¹⁹Alíá íbóbwe mlónu asún ání asi, sú napú nkpábi tsiátɔ nde mli suná. Bré kutɔ á, mlilóbwe mli iwí nkpábi há hakpan múa lalahewe. Alí kén ilehián ání mlóbwe mli iwí nkpábi ha yilébwe, méni mlífun yi nu.

²⁰Bré ámú mligyí nkpábi há lakpanbwe ámu a, yilébwe má túmi mli su. ²¹Labi mɔmu mlilénya tsú lakpan ámú mlilóbwe, nde íbu mli péli amutɔ? Mú labi gyí lowu. ²²Táme séi mú á, Bulu lahá mlilagyi iwí lakpanbwe túmi asi. Mlilamlí mu nkpábi. Labiá mlénya tsú mútɔ gyí; mlétsiá tsiátɔ́á ílufun yi, nyá nkpa ání utamatá. ²³Tsúfé lakpanbwe

ikoká gyí lowu, táme Bulu atokiehé gyí nkpa ání utamatá. Mú ɔɔpɔgyi anɪ buale tsun ania anɪ Wíe Kristo Yesu ikulebwesu ní.

Mbla Ámu Itráa ma Túmi Akristofɔsu

7 ¹Mí apíó, mli fée mliyin Mose Mbla ámu. Mliyin ání bréá ɔha tsie nkpa á, ɔbu mbla asi. ²Fé ní ɔtsi tsia okúlu, mu kulu amu mókúwú á, ɔbu mu kulu amu asi. Táme ní mu kulu amu owú a, alagyi iwɪ, okúlu wóyí mbla kuku utráa medé mu. ³Mú alɪ su ní mu kulu amu mókúnyá wú, ɔdálɪ mu ɔma a, alatɔ mbua. Táme ní mu kulu amu owú mú á, ɔtráa ɔma okúlu wóyí mbla asi. Mú su ní ɔláyétsiá oyin bámbá á, ɔmɔkútɔ mbua. ⁴Mí apíó, alɪ kén igyi há mli ní. Mli é bréá mliɔhɔ Kristo gyi a, mliɪa munyɔ mliɔwɪ. Mú su mlitráa mliɪmá Mose Mbla asi. Séi á, mliɪabwé ɔhá ámúú Bulu lókusúɪa tsu afúlitɔ ámu klé, méni mlóbwe yilé há Bulu. ⁵Tsúfé bréá anɪbu anɪ tsiátɔ dada amɔtɔ á, mbla ámu léha anɪ ɔwólɪ laláhe legyi anɪsu. Mú su anɪɔbwe tɔá ɪtɔpú lowu ba. ⁶Táme séi mú á, Bulu lahá anɪlagyi iwɪ tsú mbla ámúú tekɪ anɪbu mú asi ámu ɪbitɔ. Ania Kristonyɔ lówu. Mú su mbla ámu utráa ma túmi anɪsu. Anɪlagyi iwɪ, anɪdé Bulu súm tsun ɔkpa pɔpwe ání ɔɲe Wankíhé dé anɪ sunású. Megyí ɔkpa ání mbla wánlínhé amu lósuná anɪsu.

Rom

Mbla Ámu Múa Lakpanbwe

⁷Mú su anɪdéblɪ aniaa, ɪtɔ laláhe Mose Mbla ámu gyí? Ekekeke! Mbla ámu ɪbéha abébi tɔá lakpan gyí. Tekɪ ní mbla ámu ɪmeblɪ ɔbéɛ, “Mápe ansí fú bá atósú” a, tekɪ mmebi tɔá gyí ɔnsípe. ⁸ɪna alɪ mbla ání su lakpan lénya ɔkpa pú ɔnsípe kugyíku wá mítɔ. Tsúfé ní mbla ámu má unu á, tekɪ lakpan má túmi mísú. ⁹Mí onutó netsiá bré kutɔ, mmebi mbla ámu. Táme bréá nebebi mú á, nowun ání napán músú. Lakpan ɔbwepú ngyi. Mú su nówu. ¹⁰Nowun ání mbla ámúú nkɪ mbéɛ, ɪbéha mí nkpa ámu lópu lowu ba mi. ¹¹Tsúfé lakpan lénya ɔkpa tsun mbla ámusu mlé mí, mó mí.

¹²Tsiátɔ mbla ámu mú á, tsitsa kuku ma mú iwɪ. Mú nhuhé kugyíku lowankí, ida ɔkpa, ibu alé é. ¹³Mú su idesuná ání Bulu mbla ánfí ibu alé ánfí lópu lowu ba mi? Ekekekeke! Megyí alí ígyi. Lakpan lótsun uto wankláán ámusu pú lowu ba mi. lna mbla ámusu lakpan léle iwɪ súná ání itépi ma ale.

Atsá ldeko Nyankpusato

¹⁴Anyin ání ɔhétɔ atɔ mbla ámu gyí, táme mí mú á, nyankpusa ngyi. Nabwé lakpan ɔkpábi. ¹⁵Mmetálí bí mí tsiátɔ, tsúfé megyí tsá ndeklé ntɔbwé, tsá mmedéklé mboún ntɔbwé. ¹⁶Ní tsá mmedéklé ndebwe mú á, natsúlá ání Mose Mbla ámu ibu alé. ¹⁷Idesuná ání megyí mí dé alí atɔ ánfí bwe. Mboún lakpan túmiá ibu misu téhá ntɔbwé mú. ¹⁸Nyin ání bré ánfí mbu mí tsiátɔ dada anfitɔ á, uto wankláán kuku má mítɔ, tsúfé nyankpusa ngyi. Ntekleá nɔbwe yilé, táme nakásían. ¹⁹Mmedé yiléá ndeklé bwe. Lalahe amú mmedékléá nɔbwe ámu mboún ndebwe. ²⁰Ní nde lalahe amú mmedékléá nɔbwe ámu bwe á, múmú idesuná ání megyí mí onutó dé mú bwe. Mboún lakpan túmi amú ibu mitɔ ámu dé mú bwe.

²¹Mú su nawun ání mbla ánfí lagyi misu. Ní ndekléá nɔbwe yilé á, lalahe kóún ntɔbwé. ²²Tsúfé nhíé ndekléá négyi Bulu mbla ámusu tsú mí klntɔ. ²³Táme ntowun ání mbla ku dé mbla amú ibu mí klntɔ ámu isá ko, gyi músú, bwé mí lakpan ɔkpábi. Uhá lakpan amú ibu mitɔ ámu ide mí bwehé kugyíkusu gyí. ²⁴Ki ipian kpɔnkpɔɔnkpɔntiá mbu mútɔ! Ulapú mí iya lowutɔ. Ma ɔbéle mí tsú mútɔ? ²⁵Táme aní Wíe Yesu Kristo su nde Bulu ipán da ání alalé mí!

Mí klntɔ mú á, teki ndekléá nɔbwe Bulu mbla ámu ɔkpábi. Táme tsiátɔ laláhe amú ibu mitɔ ámu lahá nabwé lakpan ɔkpábi mboún.

Nkpatsiá Dínká Bulu Ɔhé Ámu Asúnsú

8 ¹Ínu su séi á, Bulu méetrá ha ahá ání amúa Kristo Yesunyɔ babwé kule ipón. ²Tsúfé Kristo Yesu su Ɔhe Wankíhé túmi ání utehá nkpa lahá anlagyi iwɪ tsú

lakpanbwe múa lowu ibtu. ³Mose Mbla ámu métalí lé anu tsú anu lakpantu. Tsúfé anu tsiátó dada amúú itehá anutóbwe lakpan ámu imeha anumégyí mbla ámu atosunáhésv. Táme Bulu lótsun okpa okpwesu ho anu. Olowa mu Bi onutó lébá fé nyankpusa ání otóbwe lakpan, táme mu mú omóbwe lakpan. Bulu lótsun mu lowusu mó anu tsiátó dada amúú lakpan legyi músú ámu. ⁴Olóbwe mú ali, ménu ní anibuo Dje Wankíhé amu a, abétalí tsiá tsiátó wankláán amúú teku mbla ámu lósuná ámu, anumétrá tsiá anu tsiátó dada amu. ⁵Tsúfé lalahe ahá ání tsiátó dada amúú itóbwe lakpan ide amúsú gyi butogywín. Táme ahá ání bubuo Dje Wankíhé amu a, tóá Dje ámu tekle butogywín. ⁶Ohá ání lakpan lagyi mu tsiátósv tenyá lowu tsú mút. Táme ohá ání Dje Wankíhé lagyi musu mú tenyá nkpa múa iwilwii. ⁷Tsúfé ohá ání lakpan lagyi mu tsiátósv tolú Bulu. Otamagyi Bulu mblasu, tsúfé oméetalí gyi músú ekekeke. ⁸Ahá ání lakpan lagyi amú tsiátósv buméetalí gyi Bulu ansí.

⁹Táme Bulu Dje bu mlto lélé. Mú sv mlumétrá tsiá mli tsiátó amúú lakpan legyi músú ámu. Mlóbwe tóá Dje Wankíhé amu tekle. Ní oku má Kristo Dje ámu a, omegyí mu kle. ¹⁰Ibu mútótá lakpan sv mli nyankpusa-oyí ánti obówu. Táme ní Kristo bu mlto á, mli okláa bu nkpa. Tsúfé Bulu latsú mli ání mli asún da okpa mu ansít. ¹¹Bulu lókusúá Kristo tsú afúlitó lélé. Mú sv ní mu Dje bu mlto á, múmú obótsun Dje ámusu há mli nyankpusa-oyí amúú ibówu ámu nkpa okpwe.

¹²Ini sv mí apíó, imehián ání abétrá tsiá anu tsiátó dada amu, bwé tóá anu okwól laláhe tekle. Mboún lehián ání abóbwe tóá Dje Wankíhé tekle. ¹³Tsúfé ní mletsíá mli tsiátó dada amutó á, mlówu tsítsá. Táme ní mlótsun Bulu Dje ámusu kíná mli nyankpusa-oyí ámu apé bwe á, mlétsíá nkpa ání itamatá. ¹⁴Tsúfé ahá ání bahá Bulu Dje de amú kpa gyi Bulu abí. ¹⁵Megyí Dje ání ibéha mlóbwe nkpábi, tsiá nyá ifú Bulu lópuwá mlto. Mboún Dje ámu lóbwe mli Bulu abí. Dje ámu sv anutetalí su kpolí Bulu anaa, “Abba, mí Sí!” ¹⁶Dje ámu totsúlá há anu ání lélé á, Bulu abí angyí.

17Ní Bulu abí anɔyí á, múmú anɔyí mu atɔ agyípu. Ania Kristonyɔ obégyi mu atɔ. Tsúfé ní awun Kristo ipian ámu ku á, múmú abénya mu numnyam amu é ku.

Numnyam Ání Abénya Ekekú

18Ní neki numnyam ání ida gyo anɔ, Bulu ɔbéle súná anɔ á, ipian ánfɔ anudéwúun bré ánfɔtɔ umɔfun mú ɔtɔnetɔne. 19Bulu atɔ bwehé féé bohíé bude ɔkpa kú ha ekeá Bulu ɔbéle mu abí numnyam ɔwan. 20Tsúfé Bulu atɔ bwehé féé lasí ida keke. Megyí mú onutó apé igyi. Mboún mulɔbwe mú alɔ, ɔha mu atɔ bwehé féé ɔkpa 21ání ekekú á, ɔbéha amú féé bégyi ɔwɔ, buméetrá yintá ekekekeke. Mu atɔ bwehé ámu ibénya mu abí ɔwɔyí pú amú numnyam amu ku. 22Anyin ání bɔtɔ nde á, Bulu atɔ bwehé féé ide ɔwɔsɔn wúun. ɔdekú mí fé alɔá ɔkwú todwíín ɔtsɔ. 23Megyí Bulu atɔ bwehé ámu nkule dékú mí. Anɔ á mú ɔ alapú mu ɔɔyé, igyi mu atokiehé gyankpawá wá anɔtɔ ámu é anudékú mí anɔ klɔntɔ. Anihíé anɔtsie anɔgyó ekeá Bulu ɔbéha anɔ nyankpɔsa-oyí ánfɔ obégyi ɔwɔ, ɔbɔbwe anɔ mu abí. 24Tsúfé ɔkpakú anɔ su ɔlɔɔ anɔ nkpa. Butamakú tɔá fúbu ɔkpa, tɔá fuma ɔkpa buteki. 25Ní anudé tɔá anɔmá ɔkpa kú a, anɔtenyá klɔn tsíá gyo mú.

26ɔɔye Wankíhé amu tetsá anɔ anɔ pɔntɔ. Tsúfé anɔmɔyín alɔá abɔkulí Bulu atɔ, ibégyi mu anɔ. ɔɔyé ámu onutó tehíé kímí púkólí Bulu atɔ há anɔ, ɔɔn alɔá anɔ onutó abétalí. 27Bulu yin ɔhagyíɔha klɔntɔ asún. Mú su oyin mu ɔɔyé ámu agywun. Tsúfé ɔɔyé ámu tokókólí Bulu há mu ahá alɔá Bulu onutó dé mú klé.

28Anyin ání Bulu tehá tógyítɔ tɔwá alé há mu adwepú. Amúgyí ahá ání mu onutó ɔletɔ mu nhuhé ɔntɔ ní. 29Tsúfé ahá á mú Bulu yin yaí ámu a, amú ɔlele. Ahá á mú ɔlele ámu ɔletɔ ɔbéé, bubélan mu Bi ámu. Fówun mu Bi ámu ɔbɔbwe ɔdéhen mu abí tsɔtsɔtsɔtsɔ. 30Ahá á mú Bulu yin yaí dodo amu ɔletɔ. Ahá á mú ɔletɔ ámu olotsu ání amú asún da ɔkpa mu anɔtɔ. Ahá á mú olotsu ání amú asún da ɔkpa ámu ɔlɔwa numnyam.

Yesu Bulu Odwe Owanle

³¹Amansu antráa anibu blí tsú íni iwí? Ní Bulu bu aní wá á, ma obétalí kósú líí anisu? Ohaa má unv! ³²Bulu mékiná mu onutó mu Bi ámu si há lowu aní fée nwunsv. Olesi mu há faan. Nkálí sù omóopu ató tráhe fée tsía mu Bi ámutó há aní? ³³Ma obétalí ká asún dínká ahá ámú Bulu lalé ámvsu? Bulu lóó? Ekekeeke! Mugyí ohá aní alatsú aní aní aní asún da okpa mu ansítú. ³⁴Ma obétalí há aní ipón? Ohaa má unv! Tsúfée Kristo Yesu gyí ohá aní olobowu há aní, Bulu lókusú mu tsú afúlitó. Alayó otsie Bulu gyopisu, ode mu kokóli aní nwunsv. ³⁵Ma ntée nto obétalí títi ania Kristonyo nsiné odwetó? Asun wunhe lóó, ntée ikplán? Ní budun anisu lóó, ntée akón? Yayá natí lóó, ntée lowu? ³⁶Tsúfée bowanlín wá Bulu asun wanlínhé amutó bee,

“Fó su bude aní mo ekekegyíeke.

Bude aní kú fé akúfa aní bapú beya omokpá.”

³⁷Táme íni féeftó a, odwe ámú Kristo bu ha aní ámu sv anlagyi usu dáfa. ³⁸Tsúfée nhíé nyin aní toto méetalí ká odweá Bulu bu ha anitó. Lowu o, nkpa o, *Bulu-abopu o, túmi kugyíkuvá utráa de iwíe gyí osúsú o, atóá ibu nu séi pú múbá íbéba o. ³⁹Tógýítóá ibu osú pú así ntée osulúv ayasí kukuvuku méetalí ká odwe ámú Bulu ladwé aní tsun aní Wíe Kristo Yesusu ámutó ekekeeke.

Ahá Aní Bulu Lalé

9 ¹Mía Kristonyo anilabwé kule. Mú sv onokwali asún ndeblí séi. Oje Wankíhé dé mí kpa. Mú sv mí klun é de mí bláa aní mmedé afunu wa. ²Mí pí Israelfo sv asún ihíe de mí háan, ahvmitiá umeká itin de mí. ³Ní íbówa aléá nénya ulwí, mía Kristonyo nsiné béyintá, méni bénya nkpa aní utamatá kúráá á, teki nópu iwí há. ⁴Mí pí Israelfo gyí ahá aní Bulu léle púbwé mu abí. Amú olele mu numnyam súná. Oleka ntam há amú, pú mu mbla wá amú ibutó. Olosuná amú okpa aní bóputswe mu. Olebláa amú tóá alahíe aní obópohá amú fée. ⁵Amú léln tsu Israelfo anáin akponkponnti ámutó.

Rom

Múá idun kúráá á, amútó Kristo amu lébelun ɔsulúv anɔfisu. Kanfú letsiá *Kristo, (ɔhá ámúú Bulu ladá mu ofúli amu), ogyi Bulu, ató féesú ogyípú amu bré féesú! *Amen!

⁶Ínu imosuná ání Bulu asún ámúú ɔleblí tswi amu uméeba mútɔ. Tsúfé megyí Israelfɔ ámu fée gyí Israelfɔ onutónutó. ⁷Megyí *Abraham abí fée gyí mu abí onutó. Tsúfé Bulu lébláa Abraham ɔbéé, “*Isaktɔ fú abí-aná bédalu tsu.” ⁸Ínu lósuná ání megyí ahá ání botsú Abraham abí féesú gyí Bulu ahá. Abraham abí-aná ámúú Bulu léhie há mu amu nkule gyí Bulu ahá. ⁹Tsúfé tɔá Bulu léhie Abraham gyí, “Néyinkí bá ofiébá sesebre. Néba a, fú ká *Sara lakwíí obiyímbi.”

¹⁰Megyí ínu wule. Rebeka lókwíí atabí há aní náin Isak. ¹¹Táme bréá ɔmɔkúnyá kwíí amú, abudan bi yilé ntée lalahewe á, Bulu lébláa Rebeka amú twi asún. Bulu lóbwe mú alí, méni ibósuná aní ání ɔkpa ámúú ɔtɔtsun músú hɔ ahá ámu umená aní bwehésú. Mboún ina mu nkule pé apé pú alíá ɔtelé mu ahásu. ¹²Asa Rebeka ɔbɔkwíí nyebí ámu a, Bulu lébláa mu ɔbéé, “Ɖdéhen obósum ɔkusu.” ¹³Fé alíá bɔwanlín wá Bulu asun wanlínhé amutɔ beé, “Ntɔdwé *Yakob dun *Esau.”

¹⁴Séi á, nkálí abéblí? Abéblí aníaa, Bulu asún meda ɔkpa lóó? Ekekeke! ¹⁵Tsúfé Bulu lébláa Mose ɔbéé, “Ahá ání nówun amú nwe á, amú nówun nwe. Amúá nahíéá négyi buale a, amú négyi buale.” ¹⁶Mú su megyí ɔha apé ntée mu nsiwa Bulu teki. Mboún mu onutó nwewúun igyi. ¹⁷Bɔwanlín wá Bulu asun wanlínhé amutɔ beé, Bulu lébláa Egipte owíe Farao ɔbéé, “Atoku anyɔ ání su neyaí fú iwíe, alíá nótson fusu lé mí túmi súná, pú alíá ɔyítɔ ahá fée bónu mí dá, kanfú mí.” ¹⁸Ínu su ní Bulu ɔhíé ání obówun ɔku nwe á, otowun mu nwe. Ní ɔhíé ání ɔbéha ɔku ɔbówa kluntɔ odwin é á, ɔtehá mu ɔtɔwá kluntɔ odwin.

Bulu Ɖblónya Pú Mu Ahá Nwewúun

¹⁹Mlɔtɔ ɔku ɔbéfité ɔbéé, “Ní alí igyi ní mú á, ntogyi sù Bulu dé nyankpusa ipón ha? Ma ɔbétalí tin Bulu ɔkpa?” ²⁰Táme nde mli fité mbée, fúgyi ma ání féle Bulu ulá? Ɖlɔ

ɔbétalí fité mu ɔpwepú ɔbéé, “Ntogyi su fapwé mí ali?”
 21 Aliágyialíá igyi á, atɔ ɔpwepú tɔpú obón pwé tɔ́á odeklé.
 ɔbétalí pú obón ipin kule pwé nlonyo. ɔbópu kule bwé ɔ́ɔ
 nu ntsu, kpá nsúó wá kuletɔ.

22 Ali kén igyi há Bulu ní. ɔbu ɔkpa lé mu ɔblɔ́ súná, ménu
 ahá bówun mu túmi. Táme ɔlehie nyá klun há ahá ámúú
 olenya ɔblɔ́ amúúsú amu. Teki ulɔfun ání ɔbéhi amú. 23 Bulu
 bu ɔkpa lé mu numnyam kpɔnkpɔnti ámu ɔwan ahá ámúú
 ɔlele yáí ání obówun amú nwe, ɔwa amú numnyam amusu.
 24 Angyí ahá ámúú ɔlele yáí ámu ni. Megyí Yudafo nkuletɔ
 ɔlele ahá. ɔlele ahá ání bumegyí Yudafo aku é. 25 Bulu léblí
 mu ɔnɔ́sú ɔtɔ́ipú Hosea ɔwulú́tɔ́ ɔbéé,

“Néti ahá ámúú teki bumegyí mí ahá ámu mí ahá.

Ahá ámúú teki ntamakle amú asún ámu ɔbɔ́bwe
 mí adwepú.

26 ɔtíné ámúú teki nebláa amú mbée, ‘Megyí mí ahá
 mlgyí’ ámu a,

unfo néti mbée, ‘Bulu ɔkɔankpapu abí’ ní.”

27 Bulu ɔnɔ́sú ɔtɔ́ipú *Yesaia lɔ́kplun bláa Israelfo ɔbéé, “Ní
 Israelfo bekléí fé ɔpu ɔnɔ́ usi kúrää á, amú́tɔ́ ahá kpalobí
 pé nɔ́ho nkpa. 28 Tsúfé ɔbɔ́sasú aní Wíe obégyi ɔyítɔ́ ahá féé
 asún, búa mú wankláán.” 29 Tsúfé Bulu ɔnɔ́sú ɔtɔ́ipú Yesaia
 légyankpá wanlín wá Bulu asun wanlínhé amuto ɔbéé, “Ní
 mí Wíe Bulu, túmi féé Owíe mési aní abí-aná aku yáí á, teki
 aní féé abéhi fé Sodom múa Gomorafɔ.”

Israelfo Bulu Máhogyi

30 Nkáli anidéblí ngya? Anidéblí aníaa, ahá ámúú
 bumegyí Yudafo ámu bumɔ́ɔ mbódí kuku, asa Bulu léha
 amú asu! Hógyi sú benya mú. 31 Táme Israelfo ámúú amú
 ansí lepe, bude mbla ámusu gyí, Bulu ɔha amú asu ámu
 bumetalí. 32 Ntogyi su? Tsúfé bumepe ansí pú hógyi dúnká
 mú. Uɔbwe amú fé mbla ámusu gyísu Bulu ɔbɔ́tsun ha amú
 asu. Ínu su bosutíin “Ibwi ámúú utelé ahá dá” ámusu dida
 kpla. 33 Ibwi ánfu twi asún bɔ́wanlín wá Bulu asun wanlínhé
 amuto beé,

“Bulu ɔbée, ‘Mliki!

Ndepu Ibwi^a tswi *Sion wúluto.

Ahá bósutiin ibwi ámusu dida.

Péhi méekitá ɔhagyíɔha ání ɔlɔɔ mu gyi.’”

10 ¹Mí apíó, tśá ntekle mí klvntɔ, pú mpái ání ndeɔ gyí, Bulu ɔbɔɔ mí ahá Israelfɔ. ²Nétalí gyi amú wɔ adánsɛ mbée, amú ansí lahié pé Bulusúm wɔ, táme bumeyín ɔkpa ání bótson mósú súm mu wankláán. ³Tsúfé bumeyín ɔkpa ání Bulu tɔtsun mósú há ahá asu. Mú su beyírí wɔ buɔe amú ɔkpa dunká, méni bégyi asu Bulu ansítɔ. Mú alɔ su bumeba iwasi há ɔkpa ámúú Bulu tɔtsun mósú há ahá asu ámu. ⁴Ɔnɔkwali amu gyí, Kristo lómɔ Mose Mbla ámu féé ɔnɔ. Mú su ɔhagyíɔha ání ɔlɔɔ mu gyi obégyi asu Bulu ansítɔ.

Nkpahɔ Bu Iwu Há Ɔhagyíɔha

⁵Mose lówanlín tsú ɔhagyíɔha ání ɔteki mbla ámu ání mósú Bulu ɔbótson tsu mu ání mu asún da ɔkpa wɔ ɔbée, “Ɔhagyíɔha ání otegyi mbla ámusu ɔbótson mósú nyá nkpa.” ⁶Táme hógyisu butɔtsun gyi asu Bulu ansítɔ. Bulu asun wanlínhé amu léblí ɔbée, “Máfíté wɔ fɛɛ, ‘Ma ɔbɔɔ yɔ ɔsúsú?’” (Féfíté alɔ á, ilosuná ání fýɔɔɔ Kristo tsúa ɔsúsú ba.) ⁷Ntéɛ fíté wɔ fɛɛ, “Ma ɔbékplí yɔ ɔsulú ayasi?” (Féfíté alɔ á, ilosuná ání fýɔɔɔ Kristo tsúa afúlito ba.) ⁸Mboún asún ání Bulu asun wanlínhé amu léblí gyí, “Bulu asún ámu ima ífú fú wá. Iwu fú ɔnɔtɔ, iwu fú klvntɔ dodo.” Asún ámu gyí hógyi asún ámúú anidéblí ámu ni. ⁹Ní fobwíí ɔnɔ blí fɛɛ, “Yesu gyí anɔ Wíɛ,” fɔpú fú klvntɔ féé hogyi ání Bulu lókusúa mu tsú afúlito á, Bulu ɔbɔɔ fu nkpa. ¹⁰Tsúfé ɔklvntɔ ɔha tɔpúɔ Kristo gyi. Fówun Bulu obótso mu ání mu asún da ɔkpa. Ɔnɔ é ɔha tɔpúblí ɔbée, Yesu gyí mu wie, méni Bulu ɔbɔɔ mu nkpa. ¹¹Alɔ kén Bulu asun wanlínhé amu léblí ɔbée, “Péhi méekitá ɔhagyíɔha ání ɔlɔɔ mu gyi ekekeke” ní. ¹²Iwu su imefáɔn ání Yudayin fugyi, ntée fume gyí Yudayin.

^a9:33 *Ibwi* ámu gyí Kristo.

Tsúfé owíe ɔkule pé ası amú fée bubu. Ɖbópu mu yilébwe gyi ahá ání bosu kpolí mu fée buale. ¹³Alı kén Bulu asun wanlínhé amu léblí ɔbéé, “Ɖhagyíɔha ání otosu kpolí anı Wíe obénya nkpa” ní.

¹⁴Táme nkálı bétalı su kpolí ɔhá ání bumɔho mu gyi? Nkálı bétalı ho ɔhá ání bumɔkúnú mu iwı asún gyi? Nkálı bónu mu iwı asún ní ɔhaa méda mú ɔkan súná amú? ¹⁵Nkálı bétalı dá mú ɔkan súná amú, ní bumɔkúwá amú? Bulu asun wanlínhé amu léblí ɔbéé, “łhíé bu akíle ání fówun ání ɔha ɔbá beda Bulu *asun wankláán ɔkan!” ¹⁶Táme megyí Israelfo fée lóho Bulu asun wankláán ámu. Tsúfé Bulu ɔńsú ɔɔɔpú *Yesaia lówanlín wá mu ɔwulótɔ ɔbéé, “Mí Wíé, ɔha móho anı asun blíhé amusu gyi.” ¹⁷Táme asun wankláán ámu téhá butohogyi. İna Kristo asún áńfi blísú ahá butonú mu asún. Mú nu sú ahá butoho mu gyi.

¹⁸Mbéé, bee nú bumonu asún ámu? Bonu! Tsúfé Bulu asun wanlínhé amu léblí ɔbéé,

“Amú ɔme lawíé ɔyítɔ fée,
ámú asún é lawíé tsútsúútsú.”

¹⁹Ntráa fite. Israelfo bumonu mu asún ası? Múá Mose lébláa amú gyankpapu gyi,

“Bulu ɔbéé, ‘Nópu ɔmá ání bumegyí Israelfo wá mlı ansıpepe.

Nóyulá ɔmá mímláhe púwá mlı ɔbló.’ ”

²⁰Bré bámbátɔ a, Yesaia lówa klun bláa amú ɔbéé, “Bulu ɔbéé,

‘Ahá ání bumedé mí dunká lémentí mí.

Ahá ání bumefité mísú nele iwı ɔwan súná.’ ”

²¹Táme Israelfo ámu mú á, Bulu léblí amú iwı asún ɔbéé, “İná natéı ibuto bré fée ání nóho amú atúu ó á, butráa bude asuto-ɔnlun wa. Bumedé mí bu.”

Bulu Israelfo Nwewúun

11 ¹Nde mlı futé mbée, mú su Bulu lakíná mu onutó ahá léle? Ó-o! Mí onutó áńfi óó Israelyin ngıyı. Abraham abı-anátɔ notsú. Benyamin abusuantɔ obı ngıyı. ²Megyı bee

Bulu lakíná mu onutó ahá amú ɔlele amú yáí ámu. Mlukain ali ámú Bulu asun wanlínhé amu léblí tswi ɔbéé, Bulu ɔnɔ́sú ɔtɔ́pú *Elia lékla Israelfɔ wɔ asún súná Bulu amusu. ³ɔbéé, “Mí Wíé! Israelfɔ bamó fú ɔnɔ́sú atɔ́pú féé. Babwíé fú afɔdie-asubwi é féé. Ulasí mí nkukúnú nkule. Budekléá bómo mí é.” ⁴Bulu léha Elia mbuai ɔbéé, “Ó-o! Megyí fú nkule lásí. Tsúfé nalé ahá mpím-sienó (7,000) ání bumɔkútswe ɔkpi Baal^b kí há mí wɔ.” ⁵Ali ígyi nde nke ánfɔ é ní. Bulu lawá awɔtɔle lé Israelfɔ kpalobí aku yáí. ⁶Ní alawá awɔtɔle lé aha aku á, múmú utrása megyí ɔha bwehé su ɔbéle mu. Tsúfé ní una ahá bwehésú mú á, teki mu awɔtɔle amu ilesian.

⁷Mú nkáli ilegyi? Israelfɔ ibi meda itó ámú bepe ansí buededunká ámu. Amútó ahá kpalobí akvá Bulu léle yáí nkule ibi léda mú. ɔleha atráhe ɔɔwa asɔtɔ-ɔnlun bréá ɔde ahá ti. ⁸Bulu asun wanlínhé amu léblí ɔbéé, “Bulu léha ɔlelun amú ɔwɔli. Mú su bótu nde bumetáli pú amú ansíbi wun ató, pú amú asu é nú asún.” ⁹Owíé *Dawid é léblí ɔbéé,

“Amú ɔdwe ogyíkpa ibwée mpósa abuda mútó.

lbwée agbláa, ikpa kita amó.

lbwée uma, abusrei dida mútó, lbwe isubúti ha amó.

¹⁰Ansító iklún amó, ménu buméetrá wun ató.

Ha abutsia ipiantó bré féé.”

¹¹Mú su ntrása ndefité mbée, *Yudafɔ basréi dida, buméetalí trá kusú? Ekekekeke! Amú lakpan su Bulu lóho ahá ání bumegyí Yudafɔ nkpa. Fówun ipe amú ansí. ¹²Séi á, anyin ání Yudafɔ lakpan sú ɔmá féé banyá atɔ wankláán. Amú dida lawá labi há ahá ání bumegyí Yudafɔ. Ní belányá nkpahóó mú á, múmú labi ání ahá ání bumegyí Yudafɔ bénya uma blító.

Ahá Ání Bumegyí Yudafɔ Nkpahóó

¹³Ahá ání mlumégýí Yudafɔ, mli nde asún ánfɔ bláa गया a. Kristo *sumbí ɔyɔpú gyi. ɔlɔwa mí sumbí mli wá. Mí

^b 11:4 Baal gyí ɔkpi ɔkvá ahá ámú begyankpá tsía ɔsulúv amusu asa Israelfɔ beba betsiá unv ámu bosúm.

gyumagyihe legyi mi ansí. ¹⁴Fíali nétalí há mí ahá Yudafo ansí bépe, fówun Bulu obénya ɔkpa hɔ amótɔ aku nkpa. ¹⁵Bréá Bulu lédamlí ɔma há Yudafo á, uleha ɔmá atráhe fée ɔɔbwe Bulu anyawíe. Ní igyi ali mú á, brégyíbréá Bulu ɔbɔhɔ amú é á, ɔbɔbwe fé afúli fée bakúsú tsú afúlito.

¹⁶Ní belé ɔkɔto gyankpawu há Bulu igyi a, múmú uto ámu fée igyi mu kle. Ní Bulu bú oyí nlín á, idesuná ání oyí ámu abámbi é igyi mu kle. ¹⁷Bekpalí oyí bámbi pú bambá tsá músú. Yudafo gyí oyí ámu. Mli ahá ání mlimégyí Yudafo gyí bámbi bambá ámú bapú betsa músú ámu, ménu mlénya oyí ámutɔ ntsu wankláán ámu ku. ¹⁸Mú ali su á, mlimáki mlíaa mli dun oyí ámu onutó abámbi amú Bulu lékpalí lé ámu. Mlimátsu iwí amú ansítɔ, tsúfé oyí ámu nlín tamanu ntsu lé mlito. Mli mboún tonu ntsu lé móto púdan.

¹⁹Fíali mli aku mléblí mlíaa, “Bekpalí abámbi amu, ménu aní é abénya oyíkpa.” ²⁰Ibu móto ali. Itsú alí Israelfo bumohogyi sù Bulu lékpalí amú tsítsá. Mli é mli hógyi sù Bulu lapú mli tsá músú. Mú su mlimáha nwuntɔ iwa mli ɔdwe. Mliha ifú ikita mli. ²¹Tsúfé Israelfo ámú bogyi oyí ámu onutó abámbi kúráá ɔɔbwe lakpan, Bulu lébutí amú usu, mú mli? ²²Séi á, mlilawun ání Bulu bu awitɔle, táme mu asún bu ɔnlun. ɔbu ɔnlun ahá ání badida hógyitɔsu. Táme alawá awitɔle há mli. ɔbówa awitɔle há mli ní mli ansí dun musu. Ní megyí ali á, ɔbébutí mli usu mli é. ²³Táme ní Yudafo ámú besi mu hógyi amu beyinkí ɔɔhɔ mu gyi a, Bulu ɔbélapú amú tsá oyí ámusu. Tsúfé ɔbu túmi ání obéyinkía amú tsá. ²⁴Mli ahá ámú mlimégyí Yudafo ámu mú á, oyí laláhe bámbi mligyí, ɔɔpu mli tsá oyí ámusu. Teki uma unu ali. Israelfo mú á, oyí wankláán ámu onutó abámbi bogyi, bekpalí amú tsítsá. Mú su amú yinkía yi mú yintisu móɔwa ɔnlun há Bulu.

Bulu Towun Ahá Fée Nwe

²⁵Mí apíó, asun ñáinhé ku bu unvá ndekléá mlíbí, ménu mliméeki mli iwí ání mlilétun ansí dubi. Asún ámu gyí, Yudafo ámu aku bubu asuto-ɔnlun. Bówa asuto-ɔnlun alu

bɔfun bréá Bulu lahá ahá ání bumegyí Yudafɔ fée baba mu wá. ²⁶Mú ɔma a, Bulu ɔbɔhɔ Yudafɔ fée nkpa. Bulu asún ámu léblí ɔbéɛ,

“*Sion wúluto Nkpa Ɖhɔpu amu ɔbélu tsu.

Ɖbéba beha *Yakob abí-aná fée bési lalahe bwe.

²⁷Íni gyí ntam ání néka há amó

bréá néle amó tsú amó lakpantɔ ní.”

²⁸Íniá Yudafɔ ámu bumɔhɔ asun wankláán ámusu gyi su á, bemlí Bulu alupó, ménu ibɔwa labi há mli ámóú mliumégyí Yudafɔ ámu. Táme íniá bugyi ahá ání Bulu léle su a, amó anáin su otekle amó asún. ²⁹Ní Bulu ɔlé ɔku ntée ɔpú mu atokiehé há ɔku á, ɔtamatráa tse mu agywun. ³⁰Bré kutɔ á, mli ánti mliumégyí Yudafɔ ánti mliumóbu Bulu. Táme séi á, Yudafɔ bumedé Bulu bu. Mú su Bulu lawun mli nwe. ³¹Alí kén Bulu ɔbéba bowun Yudafɔ ámóú bumedé mu bu ámu é nwe fé alíá alawun mli nwe ní. ³²Tsúfé Bulu lótsu mú ání ahá fée bubu asuto-ɔnlu, alíá ibɔbwe obówun amó fée nwe su.

Mliha Akánfu Bulu

³³Óo, mliki Bulu awitɔle wule! Mu nyánsa pú mu asúnbu ma ɔka! Ma ɔbétalí bí mu ɔkpa pú mu asúngyítɔ?

³⁴Bɔwanlín wá Bulu asun wanlínhé amuto beɛ,

“Ma yín aní Wíe nwuntɔ?

Ma ɔbétalí súná mu asún? Ɖhaa má unu.

³⁵Ma lápú tɔku há mu, ɔde ɔkpa kíá ɔbélaka mu ɔkɔ?”

³⁶Bulu lɔbwe tógyítɔ. Mubú tógyítɔ. Tógyítɔ bu unu há mu. Kanfú ibwée mu kle bré féeétɔ. *Amen!

Tsiátáá Butɔpósum Bulu

12 ¹Íniá Bulu híé ɔde aní nwe wúun alí su á, mí apíó, nde mli kokóli mbée, mliwu mli ɔwí fée ha Bulu mli nkpatɔ. Ubwée fé igyí ahatɔ wankíhé ha mu. Íni gyí osum ání itsú kluntɔ, ilegýi mu ansí ní. ²Mliumáha ɔsulúv anftsu atsiábi igyí mliwu. Mliha Bulu ɔtse mli agywun, iha mli

tsiátó utse. Fówun mlétalí bí ání Bulu apé bu alé, ibu ɔdwe, ɔɔfun.

³Bulu agyómá ámúb alawá awitole púhá mí ámusu nde mlto okugyíɔku bláa mbéé, ɔhaa máki mu iwí dáfá aliá ogyi. ɔhagyíɔha ɔbá ansí asi, ɔki ání ɔmɔɔun hógyi amúb Bulu lapóhá mu amu. ⁴Nyankpusa-oyí iwí ató aní fée anigyí. Ntobí ámuto kugyíku bu mú gyuma ání itegyí nyankpusa-oyí ámusu. ⁵Ali kén ibu mótó ání anutsó, táme ania Kristonyɔ anɔlabwé ɔyulú ɔkule ni. Mú su anigyí ntobí ɔtsan-ɔtsan ání anutsátsáa abasu, anɔɔbwe ɔyulú ɔkule amu. ⁶Bulu atokiehé ámúb ɔleha aní ámu ina ɔtsan-ɔtsan. Ilehíán ání aní fée abópu mu atokiehé ámu yó agyómá ató ámúb ɔleha aní ámu ɔnó. Mú su ní ɔku atokiehé gyí Bulu ɔnó asúnblí á, ɔhá ámu ɔbwéé mú aliá mu hógyi losuná mu. ⁷Ní ɔku klé gyí mu aba ahógyipu buá a, ɔbúa amú. Ní ɔku klé gyí ató suná á, osúna mú. ⁸Ní ɔku klé gyí ahá ateto-ɔnlɔn wa á, ɔwá ahá ateto-ɔnlɔn. Ní ɔku é klé gyí ató kie á, ɔlé iwitɔ okie mú. Ní ɔku klé gyí ahá ɔnó lí á, ɔwáa nsi ɔbwe mú. Ní ɔku klé é gyí ahá nwe wúun a, ɔbwéé mú ɔdweto.

⁹Mlidwe ahá tsu mli klɔntɔ. Mlikisi lalahe kugyíku. Mlikita yilébweto kínkíínkín. ¹⁰Mliha mli ansí ipe mli aba Akristofɔ dwesu, amlibu aba wankláán. ¹¹Mlumáha mli nsiwa bwé ató ɔnó iba asi. Mliha ɔɔje Wankíhé amu ɔwa mli ɔwunlín, amlisum aní Wíe. ¹²Mli ɔkpakí amu su mlunya ansigyí, amlilu kínkín mli ipiantɔ. Mlibɔ mpái bré féétó. ¹³Mlibua mli aba Bulu ahá ání bubu ikplántɔ. Mliyiri iwí ho afó.

¹⁴Mliyula ahá ání budun mlisu. Mliyula amú, mli málwí amú. ¹⁵Ní aku bude ansigyí nya á, mliá amónyɔ mlunya ansigyí. Ní aku budesú é á, mliá amónyɔ mlisu. ¹⁶Mli fée mlusia wankláán. Mli mátsu iwí. Mli pu iwí manta ahá ání ahá butamabú amú. Mli máki mli iwí ání mlidun aku.

¹⁷Ní ɔku ɔpú lalahe gyi mli á, mli mápu lalahe ká mu ɔku. Mlibɔ mbódí amlibwe tóá ibu aléá ahá fée bótsulá dínká mósú. ¹⁸Alhagyíalíá igyi mli mú á, iwilwii itsía mliá ɔhagyíɔha nsuné. ¹⁹Mí apíó adwepú, mli mápu lalahe ká mli

aba ɔko. Mlisi tógyítɔ ha Bulu. Tsúfé bowanlín wá Bulu asón ámuɔ beɛ, “Bulu ɔbéɛ, ‘Mí, mli Wíe téká ɔko. Mí ɔbéka ahá ako amú lakpan su.’ ”²⁰ Bulu ason wanlínhé létrá blí ɔbéɛ, “Ní akón de fú olupú á, ha mu atɔ ogyi. Ní ɔmewóli de mu a, ha mu ntsu onu. Ní fɔbwé mú ali á, íbéha péli békítá mu ɔbétse.”^c ²¹ Mlumáha lalahe igyi mliɔ, mboún mlibwe yilé púgyi lalahesu.

Iwiasibá Ha ɔmá Akpapú

13 ¹ Ilehían ání ɔhagyíɔha ɔbéba iwiasɔ há ɔmá akpapú. Tsúfé Bulu téhá ɔmá akpapú túmi. ɔmá ɔkpapú ɔkuku má unvá megyí Bulu léyaí mu. ² Ínu su ní ɔku ɔkúsú líí ɔmá ɔkpapú ɔkusu á, alakúsú líí Bulu túmisu. Mú su ɔhá ámu dé ɔsubití klé ha iwɔ. ³ Tsúfé ɔmá akpapú bumegyá yilé abwepú, lalahe abwepú bugya. Mú su ní fumedékleá funyáa ɔmá akpapú ifú á, múmú bwe yilé abukanfu fú. ⁴ Bulu osúmbi ɔhagyíɔha ání bapú mu yáí ɔmá ɔnɔ gyí. Mli yilé su buɔde agyúmá yɔ. Táme ní ɔku dé lalahe bwe á, múmú obénya amú ifú, tsúfé bubu ɔkpa bítí ahá ɔsu. Bulu asúmbi bugyi, ɔleha amú ɔkpa ání bubítí lalahe abwepú ɔsu ha mu. ⁵ Ínu su ɔhagyíɔha ɔbá iwiasɔ ha ɔmá akpapú. Megyí beɛ buɔde ifú nya ání bébutí amú ɔsu nkule su. Mboún amú klɔn dé amú bláa ɔbéɛ, ilehián ání bóbu amú.

⁶ Ínu kén sú ilehián ání mléka tswitswɔ é ní. Bulu asúmbi ɔmá akpapú bugyi. Bapú amú bré féé buɔde ɔmású kí. ⁷ Mlika ɔko kugyíkúvá idɔn mliɔ. Mlika tswitswɔ múa lampóo. Obú ɔkpasu á, mlibu amú féé. Ní igyi kanfú é á, mlíkanfu amú féé.

Abadwe

⁸ Mlumákítá ɔhaa ɔko dun mli abadwe. Ní ɔku dé mu aba dwe á, ɔde mbla ámu féésú gyí. ⁹ Mose Mbla ámu léblí ɔbéɛ, “Mátɔ mbua.” “Mámɔ ɔha.” “Máwi atɔ.” “Mápe ansí fú ba atɔsú.” Ínu pú mbla tráhe amu féé nwun gyí mbla kule ámú

^c 12:20 Igyi fé fakpá ogyá wólí mu ɔtántra.

lɛblí ɔbéɛ, “Dwe fú bá fé fú iwí” ámu. ¹⁰Ní ɔku dé mu ba dwe á, ɔmɔɔpu lalahe gyi mu ekekekeke. Inu su ɔhá ání ɔɔdwe mu aba lagyi mbla ámu féésú.

¹¹Mli onutó mliyin bré oduátó anibu. Bré lafun ání mlétsinkí, tsúfé aní nkpahɔɔ lafun ta dun bré ámúb anulégyankpá hɔ Kristo gyi amu. ¹²Onyé detsúbun, ɔyí lake ta. Mú su mliha asi oklúntɔ bwehé féé bwe, atsu aní ɔyí kehetɔ akɔtɔ tsan. ¹³Mliha aní tsíátɔ ibwe fé ahá ání butsie wankitɔ. Mlumáha ayinta aní bré yetsiá ɔdwe ogyíkpa, anidé atɔ dedé gyí, anidé ntá núu bu. Anumáwa atsi múa ayin asún. Anumáwa ɔnsípe, anumátre kó. ¹⁴Mboún mli pu aní Wíe Yesu Kristo tin mli iwí. Mlumátrá tsiá tsíátɔ dada amúb mli ɔwólí laláhe tekle amu.

Rom

Akristofɔ Ulále ɔkpa Laláhesu

14 ¹Mli hɔ mli aba Akristofɔá buma ɔwunlín hógyitɔ wa mlitɔ. Ní bee tɔku bu alé ntée uma ale a, mli mágyi amú nwéen. ²ɔku lóhogyi ání ɔbu ɔkpa gyi tógyítɔ, táme ɔku é hógyi ɔnɔ uma ɔnlun. Mú su ɔtamagyi iye. ³ɔkpa má unvá ɔhá ání otegyi tógyítɔ ɔbéle ɔhá ání ɔtamagyi tɔku ulá. Alí kén ɔhá ání ɔtamagyi tɔku é ɔmále ɔhá ání otegyi tógyítɔ ulá ní. Tsúfé Bulu lahɔ amú. ⁴Fúgyí ma ání féha ɔku osúmbi pón? Mu wie nkule pé búu ɔkpa ání ɔbéblí ɔbéɛ, otsie wankláán ntée ometsie wankláán. ɔbétalí tsíá wankláán, tsúfé Bulu ɔbétalí há mu obétsiá wankláán.

⁵ɔku ɔbétalí blí ɔbéɛ, eke ku dun mú aba, ɔku é ɔbéblí ɔbéɛ nke ámu féé igyi kule. ɔhagyíɔha ɔyɔ mu kluntɔ wankláán, otsu múa ibu alé. ⁶Ní ɔku ɔlé eke ɔku ɔbéɛ igyi eke yílé á, ɔde músú gyí pútsú Bulu fúá. Ní ɔku é tegyi tógyítɔ á, ɔde mú gyí pútsú aní Wíe fúá. Ní ɔku é tamagyi iye a, mu é ɔde mú kisi pútsú aní Wíe fúá. Tsúfé amú féé butedá Bulu ipán músú. ⁷Anitɔ ɔhaa métsie nkpa há mu iwí, anitɔ ɔkuku é móowu há mu iwí. ⁸Ní antsie nkpa á, antsie ha aní Wíe. Awú é á, anilawú há mu. Mú su ní anilawú o, antsie nkpa o, aní Wíe bú aní. ⁹Tsúfé Kristo lówu, yínkí kúsú ba nkpatɔ, ménú ɔbɔbwe akɔankpapu pú awupú féé Owíe. ¹⁰Inu su imehián

ání fɛ́ha fú bá ɔ́pɔ́n ntéé fɛ́ku fú bá ansítɔ́ kótíkótí. Tsúfɛ́ anɩ fɛ́é abéyélú Bulu ansítɔ́, obégyi anɩ ɔ́kugyíɔ́ku asún.

11 Ɔ́wanlín wá Bulu asún ámutɔ́ bɛɛ, “Anɩ Wíe Bulu ɔ́bée,

‘Nanyá mbu nkpa ánfɩ á,

ɔ́hagyíɔ́ha ɔ́béda akpawunu mí ansítɔ́;

ɔ́hagyíɔ́ha ɔ́béle blí ɔ́bée, Bulu ngyi.’ ”

12 Mú su anɩ ɔ́kugyíɔ́ku ɔ́béle mu asún ɔ́nɔ́ Bulu ansítɔ́.

Máha Fú Bá Ɖɔɔda Mu Hógyito

13 Mú su mlɩha asi aba ɩlá le. Mboún abwée agywun ání anumɔ́ɔ́bwe tɔ́tɔ́a ɩbéha anɩ bá ɔ́kuku méɛsɛɩ ntéé dida.

14 Séi ɩnɩá namlí Okristoyin su nabí ání atogyihe kuku má unvá mu *ɩwi metɩn. Táme ní Kristoyin ɔ́ku lóhógyi ání tɔ́ku ɩwi metɩn a, múmú mu wá mú ɩwi metɩn.

15 Ní fútegyi tɔ́ku, ɩde fú bá háan a, múmú fú bwehé medé ɔ́dwe suná. Máha fú atogyihe ɩha fú bá ání Kristo lówu há mu ɔ́fwɩ. 16 Mú su máha tɔ́a fuyin ání ɩbu alé ɩbwe tsitsa ahá ansítɔ́. 17 Tsúfɛ́ *Bulu ɩwíegyi ámu imegyí atogyihe ntéé atonuhe asún, mboún yilébwe, ɩwilwii pú ansigyí ání itsú Ɖɛɛ Wankíhé amutɔ́ asún igyi. 18 Ɖhagyíɔ́ha ání otosúm Kristo ɔ́kpa ánfɩsu á, mu asún tegyi Bulu ansí. Ahá é butobú mu.

19 ɩnɩ su mlɩha anɩ ansí ɩpe tɔ́a ɩbɔ́pu ɩwilwii ba, ɩbɔ́wa apíó aba ɔ́wonlín hógyitɔ́su brégyíbré. 20 Máyintá Bulu gymagyihe fú atogyihe su. Ɖkpa bu unvá abétalí gyi tógyítɔ́, táme ní ɔ́ku dé tɔ́a ɩbéha mu ba ɔ́bɔ́bwe lakpan bwe mú á, ɩma ale. 21 Ní ɔ́ku tamagyi iye ku, ntéé nu ntá ntéé bwé tɔ́a ɩbéha mu ba ɔ́béɔ́da á, ɩbu alé. 22 Mú su tógyítɔ́a fohogyi tsu ntobí ánfɩ ɩwi á, ha mú ɩbwe fúá fú Bulunyo nsiné asún. Ní ɔ́ku opúni medé mu tsií mu bwehésú á, múmú ɔ́kláa lawá mu ogyá. 23 Táme ní mu klun medí mu asi mu atogyihe ku gyí su, ogyi mú á, Bulu lahá mu ɩpɔ́n dodoodo. Tsúfɛ́ mu atɔ́ ámu gyí melí hógyisu. Tógyítɔ́a ɔ́ha mópu hógyi bwé igyi lakpan.

Ahá Ansísú Atɔ́ Bwe

15 1 ɩlehián ání anɩ ahá ání anɩ hógyi ɔ́nɔ́ bu ɔ́nɩn abénya klun há ahá ání amú hógyi ɔ́nɔ́ ɩma ɔ́nɩn.

Megyí tśá iletsiá aní wule abóbwε. ²Ilehián ání anuto okugyíwku wóbwε tśá ibu alé há mu ba, méni ibéha mu wóbedan hógyitw. ³Tśúfé Kristo kúrání móbwε tśá mu onuto otekle. Mu iwí asún wówanlín wá Bulu asún ámutw beε, “Asiabí ámúw besia fú ámu féé ilebedinká mísú.” ⁴Asún kugyíkwá wówanlín wá Bulu asun wanlínhé amutw tsú tututu a, wówanlín mú ání ibósuná aní atś, wá aní atetw-wnlín, atomi lu kinkíínkín. Fówun abénya klwn kí wkpá ha atś ámúw aní ansí dún mósú ámu. ⁵Bulu téhá ahá butenyá klwn. Mutśwá ahá atetw-wnlín. Nde mu kulí mbéε, wá amlíbwε kule, fé alíá Kristo Yesu lósuná aní. ⁶Íni wóbéha mli féé mlópw wme kule kánfú Bulu, ogyi aní Wíε Yesu Kristo mu St ámu ní.

Rom

Ahá Ání Bomegyí Yudafw Asun Wankláán Bláa

⁷Íni su mlíw aba atúu fé alíá Kristo lóhw mli, méni iwówa Bulu numnyam. ⁸Tśúfé nde mli bláa mbéε, Kristo labwé Yudafw osúmpú, méni ibósuná ání Bulu obégyi mu tś ámúw wlehiε amú anáin amusu. ⁹Kristo léba, méni ahá ání bomegyí Yudafw bétu Bulu idayilé, nwe ámúw olowun amú ámu sv. Fé alíá Bulu asun wanlínhé amu ileblí. Asún ámu gyí,

“Aní Wíε Bulu, íni su nówa fú numnyam ahá ání
bomegyí Yudafw ansítś.

Nówa lu kánfú fú.”

¹⁰Bulu asún ámu létrá blí wóbéε,

“Mli ahá ání mlímégyí Yudafw, mliá Bulu ahá
mlinya ansigyí!”

¹¹Betrá wanlín beε,

“Ahá ání mlímégyí Yudafw féé, mlíkanfu aní Wíε
Bulu.

Wmá féé abí, mlíkanfu mu.”

¹²Bulu wóśśú wóśípú *Yesaia é léblí tswi wóbéε,

“Wá wku wóbelín tsu aní náin Yisai^d abí-anátś.

Mu obébegyi iwíε ahá ání bomegyí Yudafwsv ní.

^d 15:12 Yisai lókwú Owíε Dawid ání ogyi Yesu Kristo mu nain.

Musú bédinká ansí ní.”

¹³Buluá butekɩ ɔkpa há ogyi. Nde mu kokóli mbée, ɔhá iwɩ lwii mli, ansí igyí mli amlhɔ mu gyi. Mu Ɖɛ Wankíhé ɔháa mli túmi, méni mu ɔkpakú mɔ́ɔkpɔn mli.

Tsá Svá Paulo Léle Iwɩɔ Wánlín Ató Alɩ

¹⁴Mí apíó Akristofɔ, mí onutó nhíé nyin ání aha wankláán mlgyí, mlilabí asún tsɔtsɔɩɩ, mlétalí t́í kplá aba. ¹⁵Táme nawá klɩn nhíé nde mli asún bláa ɔwulú ánfɩɩ púkáin mli. Tsúfé Bulu lawá awɩɩle pú agyómá ánfɩ wá mí ɩbɩɩ ɔbée mbwée. ¹⁶Múgyí, mbóbwe Kristo Yesu osúmbi ahá ání bumegyí Yudaɩɩ. Mú su nde osum agyómá ánfɩ yɔ fé Bulu igyí ɔhapú. Nde ahá ámúú bumegyí Yudaɩɩ ámu Bulu asun wankláán ámu bláa, méni bémlí igyí aható ání Ɖɛ Wankíhé latɩn mú iwɩ, ilegyi Bulu ansí. ¹⁷Ínɩá míá Kristo Yesunyɔ anɩlabwé kule su á, mbu ɔkpa tsú iwɩ agyómá ánfɩ ndeyɔ há Bulu ánfɩ su. ¹⁸Tsúfé mmétalí blí asvansu tsía atóá Kristo latsun mí asun blíhé pú mí bwehésú bwé ahá ání bumegyí Yudaɩɩ, méni bóbu Bulu. ¹⁹Ína ofúla múa osúna amúú nɔbwe Bulu Ɖɛ ámu túmitɩ ámusu netalí dá Kristo asun wankláán ámu féé ɔkan, tsú Yerusalem alu yédalɩ Iliriko ɔsulúsu. ²⁰Tsá ɩdɩn mí klɩnsu bré féé, ndekléá nɔbwe gyí, nénatí dá Bulu asun wankláán ámu ɔkan ntínéá bumókúnyá nú Kristo asún kɩ. Mmedékléá nótúá ɔku gyumagyihesu. ²¹Tsúfé bɔwanlín wá Bulu asún ámutɩ beɛ,

“Ahá ání bumókúnú mu nka kɩ bówun mu,
áhá ání bumókúnú mu asún kɩ é bónu mú asi.”

Paulo Roma Ɖpasua Yésínáa

²²Ínɩ láchá mmókúnyá ɔkpa ba mli wá bɔɩ nde ní. ²³Táme séi mú á, mí agyómá lamó ɔnó nfi fúnsú. Nfí tsɔtsɔɩɩ ní ndekléá néba mli wá beki mli. ²⁴Mú su nabwé agywun ání ní ndetsúun nɔyɔ Spania a, nótɩn kɩ mli. Agyi ɔdwe kpalobí á, mlilasí mí ɔkpa nayó unu. ²⁵Séi á, nabwé agywun ání négyankpá yó Yerusalem, yóbuá Bulu ahá ání bubu unu. ²⁶Tsúfé Akristofɔá bubu Makedonia pú

Akaia ɔsulúsu bapú ɔdwe dúnká ató bodepusísí Bulu ahá ání bugyi ahiánfo Yerusalem. ²⁷Ibu amú ɔdwe ání bóbuá ahiánfo. Bawun ání ilehián ání bóbuá Yudafo é ká ɔkɔ. Tsúfé banyá Ɔhétó ató, nú nkpahóɔ asón ámu tsú amú wá. Mú su ilehián ání bóduká ɔyító ató ku há amú é. ²⁸Ní ɔkpú kóba ání bɔtswtswi ha mí fée wá amú ibuto á, nóbɔtsun mli wá yó Spania. ²⁹Nyin ání ní nebá á, nópu Kristo oyúla kɔnkɔɔnkɔnti ba mli.

³⁰Mí apíó adwepú, ndepu aní Wíe Yesu Kristo pú ɔdweá Bulu Ɔhétó lahá mli há mli aba kókóli mli mbée, mlílú mí ɔma, amlubo mpái ha mi kínkíínkín. ³¹Mlubo mpái mlíaa, Bulu ɔléé mí tsu Yudafo ámuú bumɔho mu gyi amu ibuto. Mlubo ha mi, Bulu ahá ání bubu Yerusalem unu abuhɔ ató ámuú napú neya amú ámu. ³²Fówun ní Bulu lótsulá á, néba mli wá ansigyí kɔnkɔɔnkɔntitɔ, beda ɔkpúnú. ³³Buluá ɔtehá iwilwii, otsía mli fée wá. *Amen!

Itsiáha

16 ¹Nde opio tsihé Foibe le súná mli. Kenkrea wúluto ɔpasuatɔ ahande ɔbápu ogyi. ²Mlithɔ mu aní Wíe Yesu dátó alíá ilekanáa ání Bulu ahá bóbwé, amlubua mu ɔkpagyíɔkpasu alíá odeklé. Tsúfé mu onutó alabúá ahá tsɔtsɔtsɔ, alabúá mi é.

³Nehá Priska mua mu kulu Akwila fée tsiá. Mía amúnɔ létsiá bwé aní Wíe Kristo Yesu agyúamá. ⁴Bɔpu amú iwí há ání bówu mí su kúráá. Nde amú ipán da wankláán. Megyí mí nkule. Akristofá bumegyí Yudafo ɔpasua fée bude amú ipán da. ⁵Nehá ɔpasua ámuú betsiá fia amú wóyító ámu é fée tsiá.

Nehá mí ɔdwepú Epaineto tsiá. Múlégyankpá hɔ Kristo Asia ɔmátó fée ní. ⁶Nehá Maria ámuú olowun ipian mli su ámu tsiá. ⁷Nehá mí aba Yudafo Androniko mua Yunia tsiá. Bawá mía amúnɔ obu kɔ. Bugyi Kristo sumbí ayɔpú ání obú bu amúsú. Begyankpá hɔ Kristo asa natá bɔho.

⁸Nehá mí píó ɔdwepú Kristotɔ Amplia tsiá. ⁹Nehá aní Kristo agyúamá ɔyɔbá Urbano mua mí nyáwíe kláklá

Staki tsiá. ¹⁰Nehá Apele amú alalé súná wankláán ání alapú mu iwí há Kristo amu mua Aristobulo abusuanfɔ fée tsiá. ¹¹Nehá mí bá Yudayin Herodion tsiá. Nehá Narkiso abusuanfɔ ání bugyi Akristofɔ tsiá.

¹²Nehá Trifaina mua Trifosa, bugyi atsi ámú bude Kristo agyómátó kínkíínkín ámu tsiá. Nehá mí ɔdwepú tsíhé Persi, ɔde Kristo agyómá yɔ kínkíínkín ámu é tsiá. ¹³Nehá Rufo mua mu yin ámú mí é ntetí mu mí yín ámu tsiá. Rufo gyí aní Wíe agyómá ɔyɔpú ání alahɔ dá agyómá ámutɔ. ¹⁴Nehá Asinkrito, Flegon, Herme, Patroba, Herma pú apíó Akristofɔ ámú bubu amú wá ámu fée tsiá. ¹⁵Nehá Filologo, Yulia pú Nereo mua mu pio tsíhé pú Olimpa mua Bulu ahá ámú bubu amú wá ámu fée tsiá.

¹⁶Mlulata aba puta Bulu ɔdwetɔ. Kristo ɔpasua ámu fée bude mli tsiá ha.

Tsá Roma Ahógyipu Amu Bubwée

¹⁷Apíó, nokókóli mli, mliki wankláán, méni mlétalí wun ahá ání bubu mliɔ, bude mli dasáín. Alí ahá ámu butehá ahá buteduda hógyitɔ. Amú atosunáhé tedá mú ámú nosuná mli ámu mɔ. Mliɔla iwí le amúsu. ¹⁸Tsúfé ahá ámu odu á, megyí aní Wíe Yesu Kristo budesúm. Amú ɔwólí laláhe budesúm. Bapú amú ɔɔwanki pú ahákanfɔ buna bude ahá ání bumeyín ɔlala mlé. ¹⁹Táme mli mú á, ɔhagyíɔha lanú alíá mlulapú mli iwí há Kristo. Mú su ibu mi ɔdwe, ansí de mí gyi wankláán mli su. Táme ndekléá mliɔn ansí, amlibí tsá ibu alé. Mli máwa ibi lalahetɔ. ²⁰Bulu téhá aní iwílwii. Imɔɔwa ɔpá á, ɔbétsa *Satansu mántá ɔsulúvú tántáántán, mlélí mɔsu.

Aní Wíe Yesu Kristo ogyíi mli buale, ɔlu mli ɔma.

²¹Mí bá agyómá ɔyɔpú Timoteo dé mli tsiá ha. Alí mí aba Yudafɔ Lukio mua Yason pú Sosipatro é bude mli tsiá ha ní.

²²Mí mli pío Okristoyin Tertio ání ɔwanlín ɔwulú ánfí há Paulo, nde mli tsiá ha.

23-24 Mí wóyí mu wie Gaio amú ɔpasua ámú butefia mu wóyító amu dé mli tsiá ha. Erasto, ogyi wúlu kóbasu ɔkípu muva aní pío Kwarto é behá mli tsiá.^e

Paulo Bulu Kanfó

25 Mliha akanfu aní Bulu! Mu ɔbétalí tsun Yesu Kristo asún amú nablí ámusu há mlélí kínkíínkín hógyitɔ. Ɔɔpu ɔɔkwali anfi nájín tsú ɔyí ɔpá. 26 Séi mú á, alatsun mu ɔnósú atɔípú amu atɔ wanlínhésu lé mú ɔwan. Fé alíá Buluá ɔbu unu bré féétó lahá ɔmá-ɔmá babí mú, méni ahá féé bóho mu gyi, bú mu.

27 Bulu nkule gyí Bulu. Mu nkule bów nyánsa. Numnyam ání ilekanáa utsóbn aní Wíe Yesusu itu mu bré féétó. *Amen!

Rom

^e 16:24 Mútó yée 24 bu nwulú dada amu akutɔ: *Ani Wíe Yesu Kristo ɔwáa awitɔle ha mli féé. Amen!*